

# TLANAWATILPOWALLI 573 - TLEN INTECH

powi takotzitzintin, chokotzitzintin, telPOCHMEH wan ichPOCHMEH tlen  
powih altpetl Veracruz Ignacio de la Llave

## 1. NAWATILISTLI

**Tlanawatilistli 6.** Pampa ma motemaka inin tlanawatilistli, moteixpantiah satepan tlahkuilolnawatiltin:  
Nawatilismeh:

- I. Sawel inpatih piltomeh;
- II. In kualnelistli, seltilistli, tlatilistli, tlayekanalistli, tlahtopanchikawalistli tlen intech powi takotzitzintin, chokotzitzintin, telPOCHMEH wan ixPOCHMEH ihkon ken motenewa nawatilistli 1° iwan 4° tlen powi itech Constitución Política de los Estados Unidos Mexicanos wan ihkon kemin itech tratados internacionales;
- III. Sepan tlaixmatin;
- IV. Yekittalistli;
- V. Yekchanchiwayotl;
- VI. Yeknemilistli, tlayekapan;
- VII. In teixpantilistli;
- VIII. In tlatlamantli ixtlamatilistli;
- IX. Tlapalewilistli ika chanehkameh, ok sekimeh altepechankeh iwan ika tekiwahkeh;
- X. Ma motemaka tlahiwalistli itech tekiwahtekitl, ahsilistekitl, tomintlanilistli wan tlahiwalistli;
- XI. Inseiti kiyehkekowa tlen kichiwasnekih;
- XII. Tlen okachi kimpalewia altepechankeh;
- XIII. Yekchanchiwalistli iwan
- XIV. Amo owihtika.

## 2. TLEN INTECH POWI TAKOTZITZINTIN, CHOKOTZITZINTIN, TELPOCHMEH WAN ICHPOCHMEH TLEN POWIH ALTPETL VERACRUZ IGNACIO DE LA LLAVE

**Tlanawatilistli 12.** Pampa mamotemaka inin tlanawatilistli tlen intech powi takotzitzintin, chokotzitzintin, telPOCHMEH wan ichPOCHMEH, motenewa tlen moneki satepan moteixpantiah tlahkuilolnawatiltin:

- I. Nemilistli, yekchanchiwalistli iwan yekapankisalistli;
- II. Ipatilistli;
- III. Ixkoyan;
- IV. Yekchanchiwalistli ika tochanekawan;
- V. Sepan tlaixmatin;
- VI. Yekittalistli;
- VII. Moneki se yekchanchiwas iwan se moyekmalwis;
- VIII. Amo se owihkayochanchiwalli iwan se yeknemilistli;
- IX. Moneki se kimalwis tonemilis iwan inmalwilis altepechankeh;
- X. Inyekchanchiwalis takotzitzintin, chokotzitzintin, telPOCHMEH wan ichPOCHMEH;
- XI. Inmomachtilis;
- XII. Se mosewis wan se tla mawisos;
- XIII. Kiyehkekosh tlen kichiwasneki, intlayehyekol, inyolistli, inteotlayehyekol wan intlachiwalistli;
- XIV. San tlen ipampa tlapowasnekih wan moneki inmak kipiaskesh ixtlamatilistli;
- XV. In teixpantilistli;
- XVI. San sekan tekipanowa iwan molochowa;
- XVII. Intlakayoltlati;
- XVIII. Inmalwilistli tlen intech powi;
- XIX. Takotzitzintin, chokotzitzintin, telPOCHMEH wan ichPOCHMEH tlen ik ok sekan ochanchiwaya; iwan
- XX. Pampa inmak ma kipiakan ixtlamatiltepos iwan teposnawatil, ihkon kemin intekih tepostlaholxilimeh iwan tepostlamawisolme, ihkon kemin tlatemolismekatl, ihkon kemin motenewa itech Weyi Tlanawatilistli ipampa Tepostlaholxilimeh iwan Tepostlamawisolme.

## 3. TLEN POWI INTECH IPAMPA TLEN KIEHKEKOSKEH TLEN KICHIWASNEKI, INTLAYEHYEKOL, INYOLISTLI, INTEOTLAYEHYEKOL WAN INTLACHI WALISTLI

**Tlanawatilistli 53:**

Moneki takotzitzintin, chokotzitzintin, telPOCHMEH wan ichPOCHMEH intech powi mo tlapowiskeh ika intlaholtzin, intlachiwalistli, intlayehkolistli, inteotlayehyekol iwan ihkon kemin molochowa inaltepechankeh, iwan nochi tlen kinteixpantia.

Tekiwahkeh tlen powi itech weytlapan iwan inaltepe san tlen ik motekitiah, moneki tlatlamantli ma tekichiwakan ma kiteixpantian, ma kiteitikan ipampa inmawilis tlatlamantli tlahiwalistli tlen powi itech inaltepe takotzitzintin, chokotzitzintin, ixPOCHMEH iwan telPOCHMEH.

Tlen motenewa itech inin tlanawatilistli, amo moneki yetos se tlatenewalistli pampa amo ma motemaka momachtilistli, san ken kihtowa tlanawatilistli 3° iech Constitución Federal yon nawatilismeh tlen inin iaxka.

## 4. TLEN MONEKI KICHIWASKEH INTAHWAN, INNANAWAN NOSO AKIN INMAK KATEH IWAN KALTLANAWATILMEH KANIN MOTEKITIA IPAMPA ININ IXTLAMATILISTLI

**Tlanawatilistli 86.** Intech powi akinmeh kinmalwia konemin, ok sekimeh ihkuak in inteki san tlen kichiwah, inmak kahki takotzitzintin, chokotzitzintin, telPOCHMEH iwan ixPOCHMEH, san tlen inmak moneki mochiwas, iwan kemin kalteyekankeh, san kichiwaskeh tlen inmak powi; ihkon kemin satepa motenewa:

- I. Takotzitzintin, chokotzitzintin, telPOCHMEH iwan ixPOCHMEH moneki yektlakuaskeh, inselti kiyehyekosh tlen kichiwasneki, ma kimoaxkatikan nawatilismeh tlen iaxka Ley General, inin tlanawatilimeh iwan ok sekimeh tlen kualtis monehnekiskeh;
- II. Ma kinmachihtikan itech tetokayotihkan, takotzitzintin, chokotzitzintin, telPOCHMEH iwan ixPOCHMEH ipan achto eyipowalli tonalli;
- III. Moneki kichiwaskeh momachtilistli tlen okachi ipatih, ihkon kemin kualtis tlapalewiskeh itech momachtilistli iwan ihkon kualtis momachtiskeh;
- IV. Ma motemaka momachtilistli ipampa tlen kimati, ma kinyekanakan iwan ma kinyektlapowikan takotzitzintin, chokotzitzintin, telPOCHMEH iwan ixPOCHMEH wan ihkon amo ma kinkuilikan tlen intech powi;
- V. Moneki yetoskeh kanin amikah kintlahyowiltis, pampa yekchanchiwaskeh iwan ihkon kualli moskaltiskeh;
- VI. Moneki se kinmachtis pampa ma kiwelkakikan altepechankeh wan noihi ma kinmalwikan tlen powi itech inchanehkawan wan ialtepemayo, wan ma kinehnekikan nochi tlen kiyawalowa;
- VII. Moneki se kinmalwis pampa amikah ma kiyehyeko itlah kintoktis, kintlahyowiltis, amo inpatih, kinpachilis, kinkihkitziskis noso kintekipanoltiskeh maski amo kinekki;

Lengua: Náhuatl de la Sierra de Zongolica